

## Universitätsbibliothek Paderborn

### V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Tribunal Conscientiæ Per Varias  
Examinis Industrias seipsam dijudicantis, Tendentibus ad perfectionem,  
præsertim Religiosis accommodatum

**Družbicki, Kaspar**

**Ingolstadii, 1732**

**VD18 90066413**

Industria XV. In horas esse vivendum, & ratio horarii Examinis.

**urn:nbn:de:hbz:466:1-45441**

Domine divitias & paupertatem ne dederis mihi,  
sed tantum victui meo tribue necessaria. Et extollentiam oculorum meorum ne dederis mihi  
& desiderium (sterile ac inefficax) averte a me.  
Item illud Apostolicum; Scientia inflat, charitas ædificat: Scientia enim sit tantum sciat, revera inflat, quia superbiendi ansam conflat. Item illud;  
qui addit scientiam addit dolorem: nam qui cognoscit facienda & non facit, hic sibi exaggerat tanto magis pœnam, quanto magis inexcusabilem reddit suam culpam, certiorem autem damnationem, & gehennam. Orandum ergo est Deus, ut quæ sunt facienda sciamus, quæ scimus faciamus, veniatque super nos illa beatitudo Christi dicentis. *Si hæc scitis, beati eritis si feceritis ea.*

Eccl. 23. 5.

## INDUSTRIA XV.

*In horas esse vivendum, & ratio horarii*  
Examinis.

Integerrimus nostræ Societatis Frater, Johannes Berchmans, inter moralia sua placita, atque animi decreta, quæ sibi observanda præscriperat, valde præclara, & spiritualis Prudentiæ plena, habet etiam hoc unum positum num. 5.  
*Viam in dies, & horas, nihil sollicitus de crafino.*  
Quod dictum atque propositum, etsi in vulgari hominum sensu, possit, & soleat, ad potui assuetos trahi, ad eos scilicet, quorum Deus venter est, qui animales sunt, & terrena sapiunt, qui que æternum nihil cogitant, sed de die in diem vivunt, & dicterium illud in ore habent. Edamus, & bibamus: cras enim moriemur, tamen

F 3

in

In saniore sensu est maximè viris spiritualibus usitatum, utile, & commendatum. Ita quidam Sanctorum requisitus, quâ ratione fieri posset ut citò Sanctus evaderet? respondit. Si credas te moriturum quotidie. Alius interrogatus, quomodo assequeretur, ut bene opera sua exequeretur? respondit; si tibi persuadeas hoc opus quod agis, esse tibi ultimum. quo forsan respexit adductus jam noster Joannes, qui inter alterius seriei proposita hoc quoque adnotârat. Facere omnia tanquam si ultima forent. Et alibi adhuc. Nescis an ista actio tibi futura sit ultima, fac ergo eo modo, quo voles à te factam ultimam. Iterumque alibi sic proponit. Vivere in dies, & horas, sine solicitudine de futuris contingentibus, committendo omnia mea Providentiæ Divinæ, meisque Superioribus. Denique adhuc alibi. Illud quod possum facere hac horâ non differam ad aliam horam. Ex quibus facile patet, quâm hoc vivendi in horas dictamen fuerit huic commendatum. Cæterùm & ipsi Christo Domino videtur in observatione, horaria ista vita fuisse in usu, in cuius sermonibus legimus hoc frequenter; nondum venit hora mea &, Pater venit hora mea. & Propterea veni in hanc horam. Tempus meum nondum advenit, de crastino autem nolite solliciti esse. Sciens JESUS quia venit hora ejus. &c. Sed & Joannes Evangelista videtur hoc ipsum in usu habuisse, quin & nobis ut novissimæ sic & cuiuslibet horæ apprehensionem commendasse, cum inculcavit. Filioli novissima hora est. Id ipsum in Sancto Paulo, in Jacobo, observare est. nimirùm ad profectum, fervoremque spiritualem utilissimum est, brevem sibi ab unoquoque vita terminum præfiri,

niri, & singula tanquam ultima opera perficere; hoc est, nihil in eis peragendis perfectionis omittere. In hunc finem Sanctorum exercitia fuere multiplicia: aliqui enim ut hoc exequentur, intonabant sibi; *Bernarde, Arseni ad quid venisti?* Alii verò: *Age quod agis.* Alii. *Quod facias, fac cito.* Alii. *Quidquid potest manus tua operari, instanter operare, quia nec ratio, nec consilium est apud inferos, quò tu properas.* Alii quotidianie se morituros non tantum cogitabant, sed etiam moribundos exprimebant. Alii timebant dicere; cras faciemus, cras ibo, & mirabantur sic loquentes, & tam longum tempus sibi promittentes. Alii solliciti erant & facere, & suadere, vigesies & quater in dies mori, ut sic copiose illud implerent Apostoli. *Quotidie morior.* Alii dicebant sibi, aliisque. *Oportet te morientem ducere vitam.* Alii in horas singulas intentionis renovandæ exercitio vacabant, Alii in horas singulas, rationem vitæ, operumque à se se reposcebant, quod Sancto Patri Ignatio fuisse familiare constat. Aliqui, ut denique finem faciam enumerationi, ad horas singulas excitabant in se fervorem illa, vel simili voce. Ego dixi nunc cœpi, & quām perfectissimè opera sua facere proponebant, appositis, expressisque conditionibus perfectorum operum.

Præsens ergo Industria hue spectat, tradit nempè modum exequendi opera singularum horarum, sive opera singula quāni perfectissimè, præscribitque capita spectanda in operibus, ut sint perfecta. uterumque autem hoc præstat, per quoddam exercitium, nempè per traditionem rationis faciendi Examinis in horas singulas, vel

fere singulas, aut certè post opera aliqua graviora, notabiliora, diuturniora. Quæ quidem ratio hæc esse poterit.

PUNCTUM I. & II. Continebit brevissimam gratiarum actionem, luminisque petitionem, illis v. g. verbis. Benedictus Dominus Deus meus ex hoc nunc & usque in sæculum. O Lux Beatissima, reple cordis intima.

PUNCTUM III. Expendet horam elapsam, vel opus factum. 1. An sit bonum factum? 2. An benè? quòd cùm latè pateat, sciendum est, quædam in operibus nostris requiri ad hoc ut simpliciter bona sint, quædam requiri ad hoc tantum, ut sint meliora, sive melius magisque bona & perfecta, sive etiam perfectissima. Ut simpliciter bona sint. 1. Debent esse vel naturâ suâ, bona, vel saltem, naturâ quidem indifferenteria, attamen directa ad finem simpliciter bonum. 2. debent esse ab homine in gratia posito, aut se ad gratiam saltem disponente. 3. debent esse libera. voluntaria, ex electione, & deliberatione. 4. debent esse directa ad finem non tantum honestum, sed etiam supernaturaliter honestum, sive fide Divina notum, in quo capite simul recta Intentio includitur. 5. Debent habere circumstantias bonas, ut ex nulla vitientur, scriptum est enim. Justè quod justum est exequaris, & iterum. Nonne si rectè offeras, non rectè autem dividas, peccasti? Hæc igitur in Examine isto videnda erunt, an ea operibus nostris, super quæ Examen fit, adfuerunt? cur non adfuerunt?

Jam ut magis bona sive perfectissima fiant ea requirentur, & inesse debebunt operibus nostris,

quæ

quæ quisque ex mente Dei, & Christi, Sanctorumque exemplo, ex interna unctione atque gratiâ, ex probatorum magistrorum spiritualium approbatione consilioque judicabit bene atque sanctè inesse posse. Talia autem sunt. 1. Intentio quām purissima, atque defæcatissima, solius Dei bonum, id est gloriam, voluntatem, placitum, gustum, æstimationem, seu exaltationem, quām condignissimam, respiciens. 2. Unitio actualis ardens applicativa meritorum Christi cum operibus. 3. Omnis ad proprium facientis commodum, etiam spirituale, etiam æternum, intuitus remotivo. 4. Imitatio Christi, quām maximè expressiva ejus in opere. 5. Patientiæ humilationisque ab opere, vel ab occasione operis dimanatio in operantem, & quidem gravis, exaggerata, vix ulli nota, fortiter, promptè, gaudenter, perseveranter, suscepta. 6. Virtutis menstruæ exercitatio, in opere vel operis occasione. 7. Observatio vel Regulæ, vel obedientiæ, vel dictaminis Prudentiæ, vel observationis privatæ ad punctum, literam &c. Hæc similiaque in Examine videnda erunt, an opera nostra habuerint?

Adhuc autem ut excellentiùs ornatiùsque perfectissima & comptissima, opera nostra sint facta, debent habere, 1. Ut sint non tantum in charitate, aut propter charitatem, & ex charitate facta, sed etiam propter sublimem, & ex sublimi charitate facta. 2. Sacrificatiæ. 3. Ut affectu omnium creaturarum, omnium Sanctorum, omnium Angelorum, Preciosissimæ Parentis, JESU Christi Humanitatis, Sanctissimæ ipsius Trinitatis facta sint. 4. Ut non solum opera ipsa

F 5

prin-

principalia, sed etiam omnia adjuncta operibus opera, hoc est, omnium potentiarum, creaturarum, circumstantiarum adjacentium exercitia, & ad operandum aliquid concursus, eodem modo, quo ipsa opera primaria sublimentur, offeranturque divino gustui. 5. Ut per singulas operis potentiarumque operantium, & creaturarum cooperantium circumstantiarumque atomos, placitum, gustusque Dei queratur, & omnis alia Perfectio, sublimatioque replicetur, replicetur autem per singulas, magis ac magis majori fervore, milliesque millies majori proportione fervoris. Insuper amplius, & amplius, omnipotenter, dignissime dignissimo Deo, quantum homo significatus, quantum Deus significabilis est. 6. Ut itidem per Singulas, atomos operis, magis ac magis in millies majori proportione homo ipse vilificetur, tantum scilicet, quantum aut homo est vilificabilis, aut Deus per se, perque creaturas est hominis vilificatus, idque pure gratis, sine ullo respectu, ad commodum proprium, nisi ut quantum dignus est significari Deus, tantum significetur, quantum autem dignus est vilificari, & exinaniri, perdique homo, tantum vilificetur, exinanitur, perdatur, juxta voluntatem Dei, ad voluntatem Dei.

Hec quoque in Examine horario, seu operum singulorum, an facta sint & exhibita, dispendienda erunt, an vero his contraria, vitiosa que admissa?

PUNCTUM IV. Continebit dolorem de Negligentia.

PUNCTUM V. Emendationem proponet.

Porro

Porrò Examen hoc etsi prævio aliquo usu poterit non multum temporis absumere, tamen etiam poterit ad pauciora capita, contrahi, pro eujusque arbitrio. Quin imò poterunt initio pauca de primis assumi, tum ad alia aliaque capita sensim propressus fieri.

Cæterū extra dubitationem esse debet. Hujus Industriæ usum, hoc est hanc horariam diligentiam, atque hanc in horas vivendi, omniaque tanquam ultimæ sint horæ ultima opera, peragendi consuetudinem, & exercitationem, esse maximè ad promovendam in animo perfectionem accommodatam, atque efficacem, dummodo non defatigemur in opere bono, sed abundemus magis, quoniam labor iste horarius est, præmium verò æternitatis beata est.

## INDUSTRIA XVI.

*Varia genera Examiniū utilium ad profectum propounderunt, quæ ad normam superiorum fieri possunt.*

Industriâ præsenti, tantum enumerationem complectar variorum Examiniū quæ ad profectum in virtute, & ad evitationem plurimum in vita quotidiana defectuum, plurimum juvare spiritualem negotiatorem poterunt, si iis exercere sese voluerit. Tale est.

EXAMEN I. Super ordinem temporum & actionum diurnarum, in quo homo dispiciat, quomodo ab hora surgendi, usque ad decumbendi horam, omnes ordinatè, (suppono autem ordinatas illi esse, tum à Communitate, tum ab illo met ipso) vixerit, & in occupationibus à se

præ-